

RECTORE VNIVERSITATIS ERFORDIENSIS
MAGNIFICO,
DN. TOB. JAC. REINHARTHO,
JCTO, SACRI PALATII CÆSAR. COMITĒ, JVRID. FACVLTV. ASSESSORE,
ET PROFESS. COD. PVBL. ORDIN. CIVITAT. STNDICO
ET CONSVLE,
ANNVENTE ILLVSTRI JCTORVM
ORDINE,

DISSERTATIONEM INAVGVRALEM JVRIDICAM
DE

HOMICIDIO

PROPTER
DEFENSIONEM
BONORVM COMMISSO
IMPVNI,

PRO LICENTIA
LEGITIME CONSEQVENDA,
PVBLICÆ ERVDITORVM DISQVITIONI
SVBMITTIT

JOHANN GOTTLIEB KLAVBART,
ELTSTROMONTANI - VARISCVS.

DIE XVII. AVGVSTI M DCC XXXIII.
IN AVDITORIO JCTORVM MAJORI.

ERFORDIÆ,
Typis JOH. CHRISTOPH. HERINGII, Acad. Typogr.

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS

THE UNIVERSITY OF CHICAGO PRESS



§. I.



Omicidium atrocibus accensendum esse delictis, unusquisque, qui rationes rerum probe subducere valet, facile confitebitur: Atrocitas quippe criminum exinde dimetienda est, quam grave damnum in omnem rempublicam ex iis redundet. Quo maiorem itaque in modum reipublicæ tranquillitas in discrimen adducitur, eo gravius etiam aliquis delinquere censendus. Reipublicæ vero tranquillitati factò plurimum decedit, quando ipsa socialitatis compages inter homines turbatur. Turbatur autem vel quam maxime eo nomine, quando is, qui socialem vitam mecum colere tenetur, subtrahit mihi media factò suo violento tuendæ vitæ sociali maxime necessaria. Quo præstantius aliquis mihi aufert quoddam bonum, eo durius mecum agit, eo gravio rem reatum contrahit. Nullus dissimulo ipsis bonis, quibus in republica fruimur suos constare gradus; quo magis vero necessarium est bonum, eo præstantius censendum; quo minus bono quodam mûnia vitæ civilis obeundo carere possumus, eo major necessitas istius boni elucescit. Opes & facultates bona sunt præstantissima, facilius tamen iisdem carere possumus, quam sanitate, ex quo consequitur, incolumitatem corporis & animi hisce omnibus potiore m esse. Citra enim hanc incolumitatem homo hominis socialis officia ex-
A plere

plere prorsus impar est, unde qui vel vitam naturalem vel vitam civilem alicui aufert, detestandi prorsus criminis reus mihi videtur. Vitam naturalem innuo, quando homo spiritum ducit, quando anima corpori adhuc indivulso nexu juncta hæret; vitam vero civilem subintelligo, quando aliquis iis instructus est viribus, quæ muniis socialitatis subeundis sufficiunt. Vitam ergo meo judicio non solum is aufert, qui mortem mihi facto suo accelerat, sed & qui facinore quodam me in eam calamitatem conjicit, cum qua conflictantes neutri inservire queunt, veluti, qui noxiis medicaminibus furibundum aliquem reddit; insaniam mentis alterius procurat; proinde æque grave damnum ii, quorum facto aliquis vitæ naturalis jacturam facit, dant, ac mea quidem sententia æquitati maximopere esset congruum, si unusquisque eorum equali subiceretur poenæ.

§. II.

Merito itaque crimen istud homicidii summopere detestantur Theologi æque ac Juri, illudque gravissimis poenis coercendum ducunt. Depinxit atrocitatem hujus criminis HERTZOG in concionibus, quibus quintum decalogi præceptum illustravit. Auget atrocitatem hujus delicti ejusdem frequentia, ejus rei veritatem quotidiana comprobant exempla. Quid enim magis solenne esse solet, quam ut homines, inter quos perpetuum constituit vinculum summus rerum moderator, subinde sese mutuis conflictationibus, verberibus ac vulneribus gravissime affligant ac demum occidant. ANTON. GOMEZ *var. resol. T. 3. cap. 3. in princ.* JACOBVS SCHULT. *in add. ad Modest. Pistor. p. 3. qu. 107. n. 10.* Horrendum utique factum, quo homo ad imaginem & similitudinem Dei creatus perimitur *Cap. 2. X. de homic.* Homicidio suscepto homo Dei officium sibi usurpat, quippe in optimi Numinis tantummodo manu vita ac mors hominum est reposita. *Deut. c. 32. -- AUGUSTIN. in C. quicumque percutit 23. qu. 8.* Atrocissimum prorsus facinus, quo interveniente respublica, cujus interest hominibus abundare, eosdemque salvos servari, hominibus privatur, eorundemque laborare inopia

opia

opla adigitur TIBER. DECIAN. in *Tr. crim.* l. 9. c. 17. n. 4.
 PETR. A PLACH. in *epit. delict.* l. 1. c. 10. n. 2. in *fin.* & *seqq.*
 COVARR. *var. res.* l. 2. c. 9. vix gravius quicquam animo con-
 cipi poterit, quam natura sui similem è medio tollere. RO-
 LAND. *Conf.* 12. n. 20. & *seqq.* Vol. 3. CAREZ. in *pr. crim.* p. 1. q. 1.
 Merito ergo hoc crimen plurimis audit grave, atrox, horri-
 bile ac detestabile. JAC. BOVLEN. in *Repet.* l. capit. §. *famosos*
 n. 62. ff. de *pen.* SOCIN. *Conf.* 157. n. 1. l. 2. PROSP. FARIN. l. 4;
 tit. 14. in *pr. Crim.* qu. 119. n. 1. GROTIUS de *J. B. & P.* l. 2
 c. 29. §. 10. n. 3.

§. III.

Permoverunt procul dubio hæc singula adducta SOCI-
 NYM, quò in *Conf.* 157. n. 3. & *seqq.* l. 2. assereret, homicidium
 adulterio atrocius esse crimen, hanc subjicientem ratio:
 quod, si seriem decalogi spectemus, priori loco obvium u-
 praeceptum: Non occides, & posteriori loco collocatum de-
 prehendatur interdictum: Non mœchaberis; pariter in de-
 cretalibus prior locus assignatus sit titulo de homicidio, po-
 sterior vero titulo de Adulteriiis. Equidem ingénue fateor
 & huic sententiæ memet ipsum accedere; rationes tamen
 a Socino allegatæ nequaquam mihi sufficiunt, admissa enim
 Socini ratione inobedientia erga parentes atrocius crimen
 ipso homicidio esset, quippe prius jubemur parentibus obse-
 quium approbare, quam à nece aliorum abstinere. Gentina
 potius ratio, quæ homicidium magis detestandum nobis
 quam adulterium, reposita cernitur in atrocitate damni ex
 homicidio in societatem humanam resultantis. Adulterium
 enim nemini aufert prorsus omnia societatis media vitæ exe-
 quendi munia, quæ tamen secus se habent in crimine homi-
 cidii perpetrato.

§. IV.

Merito itaque gravissima eum expectat poena, qui dete-
 stando homicidii facinore in rempublicam injurius fuit; Le-
 ges tamen, quas adminiculo sanæ rationis nobis optimum
 præscripsit Numen, nullam certam dictitant pœnam, quum
 omnis determinatio pœnarum, introductis rebuspublicis, ar-

bitrio Principis subiaceat, nisi summus rerum Moderator in sacris oraculis hanc libertatem circumscripserit; nec certæ quædam prostant regulæ, ad quarum normam res hæc sub examen vocari possit. vid. Perillustr. GRIBNERVS in *Princ. Jurispr. nat. l. 4. c. 8. §. 2.*

§. V.

Equidem Juris naturalis placita nullam certam inculcant poenam à reis homicidii sumendam, sed providentissimus humani generis Creator, ineffabili sua sapientia humani generis malis medelam afferens, lege universali sancivit, homicidas è medio tollendos. Edocet nos textus Genes. c. 9. v. 6. ubi verba sunt clarissima: qui sanguinem hominis fudit, ejus sanguis per hominem effunditor, namque ad imaginem Deus fecit hominem. Pariter *Levit. 24. v. 17.* qui percussit hominem ita, ut mortuus fuerit, morte moriatur. Cum quibus omnibus disertis conspirat verbis novum testamentum & quidem textus *Matth. c. 26. v. 52.* vid. Perillustr. LEYSERVS in *diff. de injusta in homicidas indulgentia.*

§. VI.

Quam invisum fuerit omne homicidium summo rerum Moderatori, vel id luculentissimum præbet indicium, quod ex legis Mosaicæ præscripto ipsa animalia bruta damnarentur, si hominem interfecissent; Bos enim qui cornu quendam petens trucidasset, lapidibus erat obruendus. *Exod. 21.* carnes ejusdem comedi prohibebantur tanquam carnes sanguine humano pollutæ. Tendit huc ipsum effatum divinum *Genes. 9. v. 5.* ita conceptum: sanguinem corporum vestrorum requiram de manu cunctarum bestiarum.

§. VII.

Juris Romani dum perpendimus placita, non omni tempore una eademque poena statuta fuit in homicidium. Lex enim Cornelia edocet, aquæ & ignis interdictionem, sive deportationem coercuisse istud crimen, deinceps vero discrimen obtinuisse inter homicidas sublimioris & humilioris sortis, in quorum priores eadem animadvertebatur poena, posteriores vero supplicio ultimo afficiendi erant. *l. 3. §. 5. ff.*

ad

ad Leg. Cornel. de Sic. omnis tamen negligebatur differentia, quisnam interemtus esset. vid. SCHILT. in *Pr. Jur. Rom. Exerc. 49. §. 123.* Equidem hisce singulis repugnare videtur, quod & olim Romani in multa pecuniaria exigenda acquieverint. *l. 1. §. 1. ff. de custod. reor.* At enim vero id ipsum capiendum est de eo solummodo casu, quando nimirum agitur ex Edicto de his, qui dejecerint vel effuderint, ubi in interficiente omnis exulat dolus, quæ tamen omnia secus sese habent, si criminaliter ex lege *Corn. de Sic.* procedatur vid. Perill. BÖHMERS in *introduc. in iur. ff. lib. 48. Tit. 8. §. 22.*

§. VIII.

Augustissimus Imperator Carolus V. qui maxima sollicitudine usus fuit in coercendis criminibus, hujus etiam suæ providentiæ egregia dedit documenta in puniendo homicidii crimine. In Constit. quippe criminali ejus jussu publicata *art. 137.* gravissime pronunciat: *Ein jeder Mörder oder Todtschläger, wo er deshalb nicht rechtmäßig Entschuldigung ausführen kan, hat das Leben verwirkt.* Sollicite sibi contradistinguntur Ein Mörder und Todtschläger; Mörder nimirum homicidam qualificatum, Todtschläger vero unum quemvis homicidam dolosum indicat. Perhibet Imperator laudatissimus ibidem alicubi homicidam simplicem & qualificatum eadem pœna rotæ affici, ipsemet tamen discrimen constitui jubet hoc modo, ut deliberato, & ex mera protervia hominem occidens rota contundatur, qui vero ex impetu & ira alterum prostraverit, gladio decolletur, imo, si prior personam gravem & eminentem, vel Dominum suum, conjugem aut consanguineum suum occiderit in majorem facinoris detestationem vel candentibus aduri forcipibus, vel trahæ impositus ad locum supplicii rapi potest. vid. celeberr. KRESSIVS in *Ord. Crim. art. 1301. §. 1. & 2.*

§. IX.

Nec Juris Saxonici placita abhorre æ pœna capitali infligenda homicidis; testatur *Land-Recht lib. 11. art. 13.* JACOB. SCHULT. in *add. ad Modest. Pistor. p. 3. qv. 107. n. 37.* unde ex præscripto juris Saxon. Elect. ne quidem is a pœna capitali

immunis pronuntiatur, qui alterum interficere decrevit ac errore adductus alium quendum occidit, vid. Constit. Elect. Sax. p. 4. Const. 6.

§. X.

Singula tamen modo commemorata suis sunt limitibus circumscribenda. Nequaquam enim omnes homicidas expectat poena capitalis ex praescripto legum, quibus etiam num obtemperamus; nam dolo alterum perimens animadversioni capitali tantummodo subjacet; ex dolo vero id solummodo proficiscitur homicidium, quod vel ad animum occidendi suam refert originem, vel ad animum vulnerandi; Alia vero est ratio culpa, alia casus fortuiti, alia defensionis susceptae. Homicidium enim, quod ex hoc triplici fonte promanat, a poena capitali prorsus immune est. vid. illustr. BERGERVS in Elect. Jurispr. Crim. c. 2. m. 3. §. 4. Dantur vero quaedam homicidia, quae mitius, quam poena capitali coercentur, quaedam vero nulli prorsus poenae sunt obnoxia. Num vero posterioribus occisionis speciebus interemptio hominis sit annumeranda, eo consilio suscepta eoque fine, ut aliquis hac interemptione sua tueretur bona, opera pretium est disquirere.

§. XI.

Plurimi Doctores negativae sententiae sunt addicti, quorum aliquot in medium adducere liceat. Sic HUBERVS in prael. Jur. Civ. ad ff. l. 48. Tit. 8. §. 9. ita pronuntiat: *Pudicitia causa licere supratorem violentum occidere, non dubitatur it. de periculo mutilandi corporis, alicujus membri ad alapam vel ictum baculi non licet impune, licet ordinaria poena locum non habeat, quam in lege Aquilia, qui primus insultavit, tenetur simpliciter l. 52. §. 1. ad Leg. Aquil. De bonis sic habendum; si periculum vitae sit conjunctum, licet impune, ceteroquin non licet, adeo, ut si quis furem nocturnum occiderit, ita demum impune ferat, si parcere ei sine periculo suo non potuerit l. 9. ff. ad Leg. Corn. de sc. In dubio autem praesumitur vita periculum fuisse conjunctum; quo respectu Lex XII. Tab. ut §. Mosaisca furem nocturnum impune occidi posse constituit, modo occidens id cum clamore, quo de circumstantiis liquet.*

liqueat, id testificetur l. 4. §. 1. ad L. Aquil. si constaret nullum adesse periculum vite non impune foret, attamen mitius extra ordinem puniendum.

§. XII.

Addipulatur huic opinioni WISSENBACH. in *disp.* 4. ad *inst.* §. 14. qui arbitratur, ad solam possessionem rerum defendendam, interimere alium, aut vulnerare non licere. Pariter Excell. KRESS. in *diff. de equitate* c. 2. §. 8. nobis sistit Grotium, tanquam negativæ sententiæ addictum hisce verbis: *Exempla equitatis dubia videntur lex Græti caritatis, cujus mentionem facit l. 2. c. 1. §. 13. quod certe secundum hanc non æquum sit hominem occidere directo rerum servandarum gratia.* Nam huic plura opponuntur a Commentatoribus. vid. Gronov, Termarus alique. it. Lynckerus 1. *Resp.* 15. n. 30. ad 35. præcipue, quod ipse Grotius fateatur inæqualitatem, quæ inter rem & vitam hominis est, favore innocentis & raptoris odio compensari. Aliam rationem ex factis desumptam notavit Puffendorf. I. 2. c. 1. §. vers. aut si vicinus rapinis.

§. XIII.

Jungi hisce merentur GEORG. OBRECHT. in *Tr. de necess. defens.* c. 8. n. 12. sqq. VOLTZ. in *Tr. ad Leg. Corn. de Sic.* c. 7. n. 104. ZOANNET. de *necess. defens.* c. 15. sqq. ANDR. FACH. l. 1. *Controv.* c. 31. DAMHOVD. c. 78. n. 3. pr. *Crim.* FREYWALD. in *diff. de necess. defens.* §. 19. qui hisce præsertim muniti rationibus incedunt: I.) nullam intercedere proportionem inter res & hominem ejusque vitam l. 2. ff. de *stat. hom.* l. 44. in pr. ff. de *Edict.* cum homo tanquam omnium nobilissima creatura ad imaginem Dei creata, in longe majori esset habendus pretio, quam aliæ res quæque præstantissimæ, quemadmodum & vita hominis omnibus præstantior esset rebus, omnemque transgrederetur æstimationem. l. 21. in fin. *Co. de SS. Eccles.* II.) vita hominis, nisi in continenti defenderetur, semel amissa recuperari non posset; at res ablata actionibus ac interdictis repeti possent, imprimis, quum res non sui, sed hominum gratia comparata *arg.* l. 22. in fin. ff. de *usur.* III.) poenam justam semper delicto æqualem esse debere, ut reo non majus

maius bonum debeat adimi, quam ipse in altero læsit aut perdidit. Deinde noxas, quæ pro defensione sui ac rerum suarum inulto inuasori inferuntur esse poenas proprie sic dictas, adeoque per regulas iustitiæ vindictivæ dirigi. IV.) defensionem pro rebus aliter concessam non esse, nisi adhibito tutelæ moderamine, quod moderamen ita interpretantur, scil. si periculum vitæ insimul concurret. V.) nullo secum invicem coherere nexu: Leges permittunt propter res defensionem armatam, ergo etiam tolerant necem hominis; Homo enim longe magis æstimandus ad imaginem Dei creatus, quam ulla alia bona caduca. VI.) quia singula jura eadem defensionis gratia commissam probantia de hominum, non vero rerum defensione edissererent. l. 5. in pr. ff. ad L. Aquil. l. 4. C. ad L. Corn. de Sic. c. 2. X. de homicid. VII.) quia in l. 4. ff. ad L. Aquil. furis diurni occisio tunc demum permessa, si telo se defendat, hæcque procul dubio exinde proficiscerentur, quod facili conjectura assequi liceat, eum non occidendi, sed furandi causa appropinquare, quæ omnia clarissimum præberent argumentum, furem propter solam rerum jacturam occidere non esse integrum, nisi telo se defendendo alterum in discrimen vitæ adducat, quæ omnia sese secus haberent in fure nocturno, cum enim in eo ratione nocturni temporis animus furandi & occidendi sibi met invicem contradistingui non possent, præsumeretur contra eundem animus occidendi, & exinde interficere eundem par esset, sive telo defensionem susceperet, sive non: VIII.) subjungunt l. 9. ff. ad Leg. Corn. de Sic. fancientem, furem nocturnum impune occidere licere, si occisor eidem citra periculum parere non potuerit. IX.) L. 3. ff. de just. ad Jur. quæ ex quorundam Sententia pro corporis tantummodo tutela vim ac injuriæ propulsa re permetteret.

§. XIV.

Supra allegatus FREYWALDVS subjungit adhuc X.) non esse hic distinguendum, an via juris res nostræ recuperari possent, vel non; ageretur enim hic tantummodo de rebus, res vero caduæ & vitæ hominis Christi sanguine redemptæ
pror-

prorsus inter semet invicem nullam admitterent comparationem ac in genere, quod publice per Magistratum expedientum, singulis non esse concedendum, id circo, quum invasus legitimis actionibus uti queat, quibus res ablatas autoritate Magistratus repetere valeret, nefas esse, propria autoritate ad hanc ultionem progredi, ex quo consequeretur, non integrum mihi esse, furem equo insidentem & cum rebus meis aufugientem, etiamsi rerum mearum recuperandarum nulla alia prostaret ratio, sagitta vel globo tormentario petere atque transfigere. Pertractat etiam hanc questionem SCHWENDÖRFF. in *diff. de priv. Defens.* negantiumque sententiam hisee constare rationibus, opinatur a.) sententiam eotendentem, quod rerum defendendarum gratia homicidium sit licitum, nullo niti legum fundamento, potius b.) eandem Legibus repugnare, elucescere *ex 21. C. de SS. Eccles. c.)* defendendæ vitæ gratia ne quidem permissam esse necem alterius, nisi sit moderamen inculpatæ tutelæ observatum; id vero moderamen non posse animo concipi in defensione rerum, quando invadens me rerum mearum occupandarum gratia trucidat, quum res exquisitissimo etiam constantes pretio tanti non sint æstimandæ, quanti salus humani corporis. l. 2. ff. *de stat. hom. l. 44. in pr. de Edil. Edict.* Moderamine ergo iusto tanquam forma legitimæ defensionis deficiente, illam quoque rerum cum internecione conjunctam tuitionem non esse licitam, quum non defensio, sed vindicta sit appellanda.

§. XV.

Nectamen ego horum opinioni assensum meum præbeo, potius in ea sum sententia, defensionem rerum, ex quarum iactura insigne aliquod damnum in me redundat, etiam cum internecione ejus, qui res istas mihi eripere conatur, esse permissum, si scilicet rerum istarum conservandarum nullum aliud prosteret remedium; Sin vero substantias istas absque occisione aggressoris retinere par sim, finge, quod fur non resistat, res ablatas relinquat, vel plane nondum furatus sit, vel res judiciario ordine recuperari possit, tunc omnia sese secus ha-

bere contendo, quæ mea opinio & juris divini & juris humani adjuvatur effatis.

§. XVI.

Jus naturæ si spectemus, duplicem excutere statum par erit, in quo mortales versantur, quorum alter naturalis, alter civilis audit. In statu naturali ad necem usque invasorum pro rebus pugnare integrum est, imo pleraque bella eoque suscipiuntur consilio, ut res amissæ recuperentur, non ut præcise vita eripiat; ac ludibrium deberet iste hostis, qui, ne telis peteretur, protestari vellet, quod ad res duntaxat rapiendas accederet. Nequaquam igitur injuria fit ei, qui, dum alterius res raptum aut perditum it, occiditur, etsi alias istæ res vitæ hominis æquiparari nequeant. In statu enim naturali omnis, injuriam qualemcumque dolo malo intentans, hostis evadit, qui, quo minus extrema quæque patiatur nullo jure, quod in ipso hæreat, munitur, & cum alter non plus juris ad res meas, quam vitam eripiendam habeat, non minus potestatis mihi ad illas, quam hanc defendendam competet, quin cum citra res vita nostra non possit servari, hanc quoque consequenter impugnat, qui illis me spoliare nititur, vid. PUFFENDORFF. *de Jur. Nat. & Gent. lib. II. c. V. §. 16.* Status itaque naturalis est ita comparatus, ut unusquisque in eodem constitutus non solum læsiones corporis, & vitæ, sed & omnes alias, violentis remediis a se arcere possit, unde etiam iste status, status belli nuncupatur. Iste status belli mediū sustinet vicem securitatis suæ tuendæ. Medium itaque istud qualicumque ratione usurpare possum, quo scopum cum assequi, par sum, hoc tamen adhibito temperamento, ut minus mediis noxiis prius utamur, quam ad magis noxia fiat progressus. Hostis vero adeo abutitur naturali libertate, ut huic nullos ponat limites, quippe qui pro virium suarum modulo omnia suscipit, quæ ad nostram læsionem aliquid faciunt. Jura itaque belli nullis limitibus circumscripta sunt, largiunturque mihi facultatem omnem omnino violentiam adhibendi, hosti coercendo ac debilitando inservientem, unde enata est decantatissima illa belli regula: *in bellis omnia li-*

cent,

cent, *Licentia bellica est infinita.* Ex hoc itaque fonte, quod scilicet vis bellica ita instruenda sit, ut scopum modo commemoratum obtinere sufficiamus, propullulat & ista conclusio, quod inter vim bellicam, ac violentiam invasionis non absoluta debeat intercedere aequalitas, defensioque præcise ejusdem generis necessario sit, cujus est offensio, quippe si talis proportionis habenda esset ratio, hostis petulans, inprimis in læsionibus modicis, parum hæc curaret, potius non solum licitum, sed etiam necessarium erit vim hostis in nos ingruentem majori vi repellere, & si alia vis hujus propulsandæ ratio deficiat, ipsum adversarium necare, quodque applicandum est ad quasunque læsionis species, quæ alicujus momenti esse videntur. Equidem inter aggressionem & defensionem proportionem justam intercedere debere, non dissimilo, sed hæc proportio non debet respicere modum vel atrocitatem aggressionis, sed potius medium, læsionem a se arcendi. Ad finem itaque istum, dum leniori via pertingere non possumus, ad atrociora utique media progredi & re erit. vid. celebrat. AVG. FRIDER. MÜLLERI *Volker-Recht p. 233. § seqq.*

§. XVII.

Ille Status naturalis, num aliqua ex parte sit superstes Statu civili introducto, operæ pretium erit jam investigare. Equidem hujuscemodi Statum formaliter spectatum interire, quam primum homo se alterius submittit imperio, vel eidem subjicitur communis securitatis & felicitatis causa, non abnuo. Tantam tamen hominem, postquam in civilem cooptatus fuit societatem, libertatis suæ naturalis fecisse jacturam, ut non aliquam particulam hujus libertatis sibi relictam cernat, diffiteor. Reliquæ nimirum Status naturalis superest sunt introductis rebus publicis, quando Princeps vel actiones morales lege quadam civili non circumscripsit, prout hæc deduxit JENICHEN, *in diss. de Statu subdit. nat. in reliq. suis spect.* c. 2. §. 3. vel, quando læsiones ita sunt comparatæ suæ naturæ, ut magistratus auxilio damnum, læsione datum, resarciri nequeat. Absonum enim esset, imponere alicui necessitatem, magistratus implorandi auxilium, ubi istud ipsum auxi-

B 2 AUGUST 1771

lium nulli usui esse potest. Reviviscit itaque naturalis libertas statu isto emergente, qui non admittit iudicis auctoritatem. Ipsa ergo rei ratio exposcit, ut subditis etiam in Statu civili particulam naturalis libertatis relinquamus, cujus ope violentiam illatam ipsimet repellere queant; si scil. tutela iudicis frui non detur, cujus duplici modo copia deficit, vel quando magistratus prorsus nobis subsidio esse nequit; vel quando tantummodo certo respectu idem subsidium non potest non deesse. Prior casus sese exerit, si damnum, quod inferre conatur aggressor, latione sua prorsus sit irreparabile, quando scil. invasione sua vitam nostram petit, quippe quam semel amissam, magistratus nobis restituere, ne quidem omnibus adhibitis viribus potest; his praestructis circumstantiis iudici nullum competit jus tuitionem vitae nostrae suscipere, quippe quæ tuitio ejusdem prorsus superat vires. Nemini itaque præcludi potest facultas moderamine inculpatæ tutelæ utendi, quoties, hoc adhibito, vitam nostram tuemur, etiam si hostem eo ipso prosterneamus; Posterior casus occurrit, quando magistratus auxilium scopo, per defensionem licitam intentato, aut non sufficit, aut non satis certum est, quorsum spectat persepe defensio bonorum nostrorum vid. supra all. MÜLLERVS *d. l.* Unde haud incommode STRUVIUS *in diss. de eo q. just. cir. autod. tb. 4.* distinguit inter legis permissionem plenam & minus plenam. Plenam permissionem subesse ratus, quando iudex non potest, minus plenam vero, quando non vult officium suum interponere, quin potius ut causæ finali juris satisfiat, justitiæ administrationem, ejusdemque a proximo impetrationem cujuslibet subditi conscientiae permittit. vid. HUGO GROTIUS *de Jur. B. & P. lib. 1. c. 3. §. 2.* Internecio adversarii itaque utroque casu erit concessa, si alio modo nobis consulere nequeamus, ergo & defensio rerum cum internecione suscepta, si aliud exulet remedium res nostras retinendi, & in Statu civili omnis poenæ expers esse debet. Ipsa securitas & tranquillitas societatis civilis ac generis humani subsistere nullo modo potest, ni potestas sit, raptores rerum, quas magno amore prosequuntur mortales, per extrema coercendi.

§. XVIII.
Quod & exinde fit perspicuum, si perpendimus respectu defendentis abundantiam juris, respectu offendentis defectum ejusdem subesse. Unusquisque enim, qui injuria quadam me afficere sustinet, eo ipso largitur mihi jus, nimirum facultatem quandam moralem adversus illum in infinitum procedendi, quatenus aliter malo huic avertendo deest copia. vid. HUGO GROT. de J. B. & P. lib. 2. c. 1. §. 10. & qui injuria alterum lacessit, nullum in se amplius jus habet, quo minus extrema quæque ab altero vicissim ipsi inferantur. Unde LESSIVS de J. & J. lib. 2. c. 9. dubio II. asserit, eum, qui furem diurnum telo se non defendentem interficeret, excusatum esse ab homicidio in foro conscientie, si spes recuperandi esset dubia, nec esse contra justitiam, sed tantum contra charitatem, si quis furem procul fugientem, conficeret, quando res in judicio esset recuperabilis, & si defensio necessaria non posset usurpari adversus fures & latrones, suppeditaretur illis ansa, probos spoliandi, & nihil prorsus adversus eosdem in tuto esset collocatum. Concessa autem defensione, concessa censetur occisio, citra quam sæpe defensio suum non fortitur effectum. Et quid quod bellum istud nulla laboret injustitie labe, quod rerum raptarum, nondumque redditarum gratia suscipitur, licet in isto bello plura perpetrentur homicidia, quare itaque regulis justitie repugnare deberet, furem, res meas mihi rapientem, interficere. Quicquid magistratui in Statu civili competit, id etiam ad facultatem privati spectat, quando tempore excluditur magistratus auxilium implorandi. Magistratus vero suffragantibus legibus furem & medio tollit, prono itaque alveo sequitur, & dominum furem seu latronem eidem res suas eripientem, præstructis circumstantiis, quas nos supra supposuimus, vitæ usu privare, quandoquidem hic judicium momentanee cessat, & judex statim accedi nequeat, periculumque adsit, ne res a fure prius auferatur, priusquam judex potuit esse auxilio.

§. XIX.

Quorsum accedit, eum, qui me invadit, hostem se meum

profiteri. Qui bona mea aggreditur, insimul vitæ meæ insidias struit, quippe citra bona vitam tolerare vix ac ne vix quidem queamus, bonis quippe vitæ sustentandæ causa indigemus. Sunt præterea divitiarum depositum divinum, cujus deponere custodiam nihil aliud foret, quam officio suo deesse; sunt donum Dei, quod, qui prædonibus permetteret, eo ipso testatum faceret, se non interpretari id beneficium summi Numinis; sunt medium vitæ tuendæ, quod, qui improbis relinquit, idem ageret, ac si sibi violentas inferat manus, & cura mei ipsius & bonorum meorum mihi demandata, proindeque jus ad me spectat removendi impedimenta, quæ remoram afferunt, quo minus res meas conservare queam. vid. REDEL. in diss. de defens. bon. adv. aggressi. cap. I. m. 1. §. 1. Bonis itaque quocunque modo defendendis operam dare par est, non solum, quia citra eadem vitam ducere vix possumus, sed etiam quia his destituti inutilia reipublicæ membra sæpius evadimus. Qui enim rem rite perpendit, facili colligit negotio, bonis destitutum in paupertatem incidere, pauperem vero plerumque contemptum in se provocare; contemptui vero expositum pro eo, ac par est reipublicæ officia sua approbare nequaquam posse.

§. XX.

Nec summo rerum Moderatori odio esse occasionem ejus, qui res alterius injuria auferre conatur, testatur ipsemet textus *Exod. 22. v. 2.* wenn ein Dieb ergriffen wird, daß er eine bricht, und wird drob geschlagen, daß er stirbt, so soll man kein Blut. Gerichte über jenen lassen gehen. vid. GERHARD. in loc. *Theol. T. VI. de Magistr. Polit. §. 370. p. 1142.*

§. XXI.

Cum quibus omnibus jura humana communia positiva, quibus in terris Germaniæ etiamnum suum constat robur, dulcissima conspirant harmonia. Quod enim unicuique animantium à natura indultum est, ut se suamque tueatur vitam, avertatque, quæ sibi exitio futura esse videntur, id nec leges humanæ positivæ denegant, potius defensionem sui adversus vim atque injuriam usque ad internecionem aggressoris quolibet

libet loco ac tempore indulgent, & aggressor non tam ab aggresso, sed a semetipso ladi censetur. *l. 52. §. 1. ff. ad Leg. Aquil.* proinde necans aliquem, sui defendendi gratia, non censetur perpetrare maleficium. HIPPOL. DE MARS. in *l. 2. c. 6. ad L. Cor. de Sic. n. 8.* quum necessaria defensio doli præsumptionem excludat. GAIL. 2. de pac. publ. 16. n. 10. § 2. obs. 110. n. 4. & tamdiu quis recte se defendit, quamdiu adest offensio *l. 1. §. 27. ff. de vi § vi arm.* ac ipse leges, periculo ex mora resultante, unicuique permittunt defensionem extra iudicium susceptam, *h. 4. C. ad L. Corn. de Sic.* regulas quippe juris communis derelinquere licet ex mora periculo quodam imminente.

§. XXII.

Hic singulis itaque rite perpensis, merito statuendum, & bonorum tuendorum, & conservandorum ergo occisionem alterius esse permissam, etiamsi periculum vitæ defendenti non imminet, modo hæc præstruamus circumstantias, quod rerum istarum haud exigui pretii retinendarum, nullum aliud proftet remedium. Fac itaque raptorem, equo insidentem, res quasdam insignis pretii mihi abstulisse, hæcque restituere detraçantem in fugam se projicere, mihiq; rerum harum nullam aliam suppetere copiam, nisi ut persequar fugientem, eundemque sagitta vel globo tormentario transfigam, deproperare me ad istud violentum remedium, quæstio emergit, an stricto jure poena quædam hujus facti me expectet? negativa amplectenda est sententia, ad quod ita statuendum hic adducor rationibus.

§. XXIII.

Primum opinionis meæ præsidium colloco in *l. 1. Cod. unde vi.* Edocemur enim hæc lege, vim rebus suis intentatam, unumquemvis in continenti jure repellere. Inter effectus possessionis enim refertur, quod cuilibet sit integrum, possessionem suam propria auctoritate, suscepta defensione, tueri *l. 1. §. 27. de vi § vi arm.* TITIVS in *Jur. Priv. lib. 1. c. 14. §. 11.* BERGER in *Oecon. Jur. lib. 2. Tit. 6. apb. 3.* Cammer. *Gerichts. Ordn. P. 2. Tit. 9. §. 1.* Et jemand in *fin.* sive rerum mobilium, sive

sive immobilium possessione quis gaudeat, quorum etiam referenda est possessio iurium, unde furi res meas auferre conanti & apprehendendo, & verberando, alioque modo resistere integrum est, l. 7. §. 2. §. 3. ff. de furt. Commoda quippe, quæ possessorem rei concomitantur, non solum remediis retinendæ & recuperandæ possessionis, sed etiam potestate vim privatam exercendi contra vim illatam juris sui tuendi gratia absolventur. A spolio itaque immunis pronuntiatur, qui vim vi licite repellit cap. 12. X. de rest. spol. Gravissime itaque pronunciat Perill. BERGERVS in Elef. Jurispr. Crim. P. 2. obs. 100. p. 277. asserens, possessionem etiam cum internecione turbatoris jure defendi, modo 1) in vafores vim intentarent, 2) res ablata alio modo & ratione, quam intercedente hac internecione in vaforis recuperari nequeat, & 3) de re magni momenti agatur. Hac tamen aliquis in defensione rerum suarum utatur circumspectione, ut eandem tantummodo suscipiat propulsando, ac semet tuendo, nequaquam vero ulciscendo l. 45. §. 4. ff. ad Leg. Aquil. Absesse itaque debet animus ulciscendi ab eo, qui intra limites legitima defensionis sese continet; Facile tamen largior, vindictæ explendæ animus in insultato non presumi; potius, quicquid aggressus fecit, in dubio censetur tantummodo ad sui defensionem fecisse. GAIL. libr. 2. obs. 110. n. 11.

§. XXIV.

Nec tamen prorsus hoc defendendi arbitrium illimitatum erit, ei quippe tantummodo permittendum, qui rem invasam citra vitium possessionis, jura alias tollens, detinet. Cujus itaque possessio ad violentiam suam refert originem, vel, qui clam possessionem consecutus, vel ei, a quo precario eandem nactus, restituere istam detrectat, vim vi repellere prohibetur. Et imprimis non migrare debet moderaminis inculpatæ tutelæ limites, eo redeunt, ut aliquis alia ratione bonis suis tuendis non sufficiat vid. AYRER. de homic. BERLICH. P. IV. Concl. 12. Hisce accedit, quod violentus possessor de facto dejici possit, modo in continenti id fiat l. 3. §. 9. ff. de vi & vi arm. Qui enim alterum in continenti de

de possessione deiecit, possessionem adhuc retinuisse præsumitur. Possessio enim nequaquam censetur amissa, quam confestim recuperamus. vid. WESEN. *Conf. 60. n. 19.* ORRECHT. *de necess. defens. c. 3. n. 17.* Sub violento vero possessore alterum deiciente, & eum subintelligimus, qui terrorem tantummodo incussit, hoc successu, ut alter dereliquerit possessionem. Sufficit enim terror armorum, ut quis dejectus videatur l. 3. §. 3. ff. de vi & vi arm. ALEXANDER. *Vol. 3. conf. 1. 98.* exclusum tamen cupio vanum armorum metum. Si enim alicujus fuga ex inani timore profecta fuerit, non censetur dejectus de possessione. In continenti vero fieri & id censetur, quando spoliatus expellit spoliatorem, simulac hominum copiam nanciscitur, qui ipsi auxilium præstent l. 19. ff. de vi & vi arm. l. 17. ff. eod. ex qua lege elucescit, si vi dejectus in ipso conflictu dejectorem ejiciat, quod non teneatur interdito unde vi, quia quicquid suscepit, non videtur egisse animo ulciscendi, sed se defendi.

§. XXV.

Qui itaque asserui, possessionis suæ defendendæ rite acquisita unumquemvis conspicuum esse facultate, id eo usque extendendum duco, ut & armis intervenientibus hac defensione defungi queamus. l. 3. §. 9. ff. de vi & vi arm. Rectissime itaque statuit STRUVIUS in *diff. sua de eo q. just. cit. av. tod. tb. 10.* reducem factum animadvertentem, naturalem suam possessionem occupatam, posse armis, si necessitas id exposcat, expellere injuste eum occupantem, æque, ac si simul civilis ac naturalis possessor etiamnum existeret. Possë enim aliquem armis defendere se adversus injuste possessionem invadentem, vi eum repellendo cum moderamine inculpatæ tutelæ, cum talis rediens remaneat possessor civilis, licet amisisset possessionem factæ alterius naturalem, possessionem verò civilem legitimam esse, & legibus approbatam possessionem tueri licere adversus quemcunque commodam illius intercipientem. Armorum ergo usus spectat ad defendentem possessionem suam. Quicunque itaque in licita versatur defensione, usurpare etiam potest armis, quorum usu
alias,

alias, prohibentibus legibus, & sanctionibus pœnalibus excludimur, nec is, qui defensionis expediendæ gratia ad arma talia prohibita confugit, poenis quibusdam fit obnoxius. *l. 1. §. 27. ff. de vi & vi arm.* justæ enim possessionis nomine, propria autoritate, violentis invalforibus usum illius impredientibus, licite resistimus, & tam nosmet ipsos, quam prædia nostra incolumes obtinemus, si modo in continenti, scil. in ipsa concertatione & congressu fiat. *l. 17. ff. de acqu. vel amit. poss.* ex intervallo enim quæ fiunt, non tam ad defensionem, quam aggressionem spectant. vid. RICHTER *in diss. de possess. th. 64.* Uno quippe licito, licitum insimul est alterum, absque quo permitti peragendi commodior deficit copia *arg. l. 2. ff. de jurid. CABALLVS in resol. crim. cent. 1. cas. 62.*

§. XXVI.

Insignis itaque possessionis effectus, quippe cujus proprio Marte tuendæ facultas, in jure civili collocata cernitur. *vid. supra all. l. 1. Cod. Unde vi.* Ex quo dimanat, omne id, quod ab alio objicitur, vel adhibetur, ad excludendum me a possessione, autoritate propria iterum tollere, disjicere, destruere, & sic libertatem possessionis vindicare atque retinere licere. *l. 5. §. 1. ff. de itin. act. priv.* quare, si quis in meo prædio aliquid extruxerit, id citra auxilium judicis propria autoritate destruere possum, sin vero in suo aliquid extruxerit, licet supra meum fundum projecerit, propria autoritate id tollere mihi non licet, sed judicis implorandum est officium *l. 29. §. 1. ff. ad L. Aquil.* quæ lex pariter corroborat hanc opinionem, possessionem rei tribuere facultatem propriis viribus eandem defendendi. WESENB. *in ff. de acqu. poss. n. 7. in fin.* Nihil itaque injusti perpetrat, qui armis & hominibus collectis, aliisque præditiis comparatus pro possessione sua dimicat. Naturalis & civilis possessor pari censetur jure. Civiliter quippe possidens, prout jam supra monui, si redux factus, & non admittatur in pristinam possessionem naturalem, spoliatus & expulsus nuncupandus est, remediisque omnibus tuendæ possessionis gratia alias proditis suffragante jure utitur. vid. MEVIVS *Conf. §. 4. n. 124.*

§. XXVII.

§. XXVII.

Ad arma itaque convolare, rite licere defensionis defungenda ergo jam asserui. Armorum vero nomine omnia complector, quæ ira & furor suppeditat. Suo ergo jure utitur dominus qui furem rerum suarum auferendarum gratia accedentem, gladio, & quibuscunque aliis modis arceat, nec dominus vim quandam infert; potuisset quippe fur abstinendo a domo, quam ingressus, defugere periculum, in quod jam incidit; Unde etiam nonnulli Doctorum in ea sunt sententia, murices ferreos ad lædendos, vel irretiendos fures in terram defodere, aut alia offendicula ponere licere, ex quibus non raro mors sequi solet, interdum etiam innocentibus exitium exinde paratur, quando citra dolum ad hujuscemodi perveniunt locum, ubi istæ insidiæ sub terra reconditæ. Hanc tamen opinionem meam non facio.

§. XXVIII.

Armis ergo possessionem rerum mearum tueri, conservareque, mihi esse integrum evictum dedi; Sed num inermi raptori arma opponere fas sit, disquirendum. Ego statuo, etiam inermi arma posse opponi, si alia ratione rerum conservandarum deficiat copia. Qui enim alterum necat rerum suarum defendendarum ergo, propriæ suæ salutis causa suscipit necem; defensor vero propriæ salutis in nullo peccasse videtur l. 4. pr. §. 1. ff. ad L. Aquil. Pœna enim propter delictum statuitur, delictum vero non ex facto, sed ex animo delinquentis dimittendum est, ideoque merito ob hoc homicidium, a defendente non ex animo dolo, sed suæ salutis gratia commissum, aliquis pœnæ cuidam non sit obnoxius.

§. XXIX.

Secundum opinionem meam robur constat exinde, quod, si eveniat, ut aliquid per Magistratum expediri nequeat, eo casu id, quod alias tantuminus magistratus sibi vindicat, privato non denegandum, potius eidem permittendum sit. Si itaque judicis copia non sit, ipsemet judicis partes in me suscipere possum, & tunc mihi non denegandum id est, quod alias judici licet; Cujus rei exemplum præbent debitores in

fugam se conjicientes, quippe qui non solum ubique deprehensi, in jus vocari, judicari, ac ab exceptione fori incompetentis excludi possunt. COLER. *de proc. exec.* P. 2. c. 1. n. 8. ZANGER. *de except.* P. 2. c. 2. MEVIVS *de Arrest.* c. 5. n. 15. modo prius detur probatum, quod, adeundo judicem competentem, periculum ex mora esset extimescendum, tunc ergo incompetens iudex illius loci, ubi debitor obvius fit, competens efficitur. l. 1. C. ubi qu. de curial. vel cohort. al. cond. conv. vid. JOH. BAPTISTA CACCIAL. *de debir. susp.* § fugit. qn. 4. n. 2. imo ipsemet creditor debitorem apprehendere, eundemque detinere, ea intentione, ut iudici exhibeatur, copia judicis deficiente, & periculo ex mora resultante, potest. a. l. 10. §. 16. ff. quæ in fr. cred. l. 54. C. de Decur. MEVIVS *de Arrest.* c. 6. n. 2. & si fugam capessens, armata resistat manu, impune vulnerari & occidi potest. GAIL. l. 2. obs. 44. n. 3. PETR. MÜLLER. *in diss. de fuga* § 27. quæ omnia ex eo proficiuntur principio, quod ad vim privatam deproperare sit concessum, quoties eandem corporis vel rerum exposcit defensio, nimirum si periculum sublit; ne expectato iudice tale detur damnum, quod nullo judicis auxilio reparari valet. Necessitas enim tunc facit probabile & excusabile, quod alias illicitis accensetur. l. 27. ff. de manifest. l. 7. §. 3. ff. quod vi aut clam. Melius enim est, occurrere in tempore, quam post exitum vindicare l. 1. C. qu. lic. un. sine jud. se vind. vid. FREYWALD. *in diss. de necess. defens.* Proinde etiam subditus fugitivus a magistratu suo, aut homo proprius a Domino, filius a patre, uxor a marito, propria auctoritate; si desit judicis auxilium, capi, & postea ad judicem loci deduci possunt.

§. XXX.

Tertio sententia mea corroboratur exinde, quod bona alter hominis sanguis merito audiant, ideo, quod, quemadmodum homo deficiente sanguine, ita & amissis bonis vitæ suæ sustentandæ destituitur mediis, quare etiam opes, bona & res, ad vitam defendendam necessaria viscera nuncupantur. THOMING. *1. Conf. 17.* & haud abs re faciunt asserentes sordescere aliquem propter paupertatem, pauperi vitam ducenti,

centi, vitam ipsam esse supplium, mortem solatium. Ex quo fit, quod metus amittendorum omnium bonorum mortis metui æquiparetur. Unde mater, ad secunda deproperans vota, revocare poterit donationem in filium collatam, si totius substantiæ, sive omnium bonorum jacturam molietur, *Autb. quod mater C. de rev. donat.* insuper causæ, majorem partem bonorum concernentes, ipsis criminalibus & capitalibus accensentur, *TIRAQV. de nobil. c. 31. n. 352. § 99.* quum ergo tuendi corporis, & vitæ causa, vim ac injuriam, etiam cum internecione alterius propulsare liceat, id etiam rerum bonorumque conservandorum ergo est permissum.

§. XXXI.

Quarto opinioni meæ uberiores sceneratur lucem *l. 9. ff. ad L. Corn. de Sic.* in qua lege perhibetur, furem nocturnum citra omnem metum pœnæ occidi posse, si eidem occisor absque periculo parcere non potuerit. Periculum vero duplicem involvit respectum, tum personæ, tum rerum. Occidere ergo furem licebit sive occidendi prodatur animus, sive cum rebus ablatis fugam arripiat. Huic sententiæ ad stipulantur *HIPPOL. DE MARS. in l. si furem ad L. Corn. de Sic. VASQV. l. illustr. quæst. 18. n. 5. CAFOLLA Conf. Crim. 44. in fin. COLER. Conf. 39. n. 14.* Furi ergo adhuc in fuga constituto, rem, furto subtraham, impune dominus ipsum persequens, rursus eripit propria autoritate *l. 3. §. 9. ff. de vi & vi arm.* & hunc in modum Scabinos Lipsienses pronunciaffe *Ao. 1658. testis est SCHILTERVS in Exerc. ad ff. Exerc. 49. §. 12.* Ac si fur eo usque progrediretur audaciæ, ut domino, rem furtivam persequenti resisteret, vulneribus afficeret, pœna fustigationis in eundem statuitur. *CARPZ. P. 4. C. 32. d. 21.*

§. XXXII.

Quinto opinioni meæ adminiculum etiam præstant *Recessus Imperii de Ao. 1548. Tit. 27. & de Ao. 1577.* quippe quibus cautum est, ut Zingari deprehensi, protinus capi, aut fugientes, interfici possint, quæ dispositio exinde procul dubio derivanda, quia isti nefarii homines plerumque bonis mortali-

lium insidiari solent. vid. FINCKLER. in *diff. de persec. Jur. sub extra jud. propr. aut. facta.*

§. XXXIII.

Sextum argumentum ex ordinatione Criminali CAROLI V. art. 150. petendum est. Disertis enim verbis ibidem disponitur, impune licere occidere eum, qui proximo insignem bonorum lationem asserre conatur. Verba disjunctive concepta ac ibi obvia: So einer zu Rettung eines andern Leib, Leben oder Guth jemand erschlägt, evincunt, vel solam defensionem bonorum, intuitu proximi susceptam, justam præbere causam aggressorem interficiendi. Verba enim postrema: oder Guth, tantummodo de defensione bonorum agere, satis commonstrat modo adducta disjunctio vocabulorum, Leib, Leben oder Guth. Rectissime ergo isti procedunt, qui arbitrantur, etiam defendentes offensum propter defensionem bonorum, ab omni pœna immunes esse, si vel maxime inter necio aggressoris subsecuta fuerit etiam non vocati fuerint ab ipso defenso. vid. GVAZZINI de *def. inquis. def. 29. c. 4. n. 31.* Firmissimo vero nexu hæc secum invicem coherere videntur: Si ejus sit licita cædes, qui proximo bona eripere conatur multo magis cædis erit licita ejus, qui propria mihi bona auferre studet.

§. XXXIV.

Septimo liceat provocare ad jus Electorale Saxonicum, quippe quod assertam a me sententiam egregie confirmat. Mandato peculiari clementissimo adversus fures & raptores d. 27. Julii Ao. 1719. emissio, ubi speciatim prohibetur, de iis, qui fures violentos, & raptores deprehensos interfecerunt, pœnam sumere. Verba hujus clementissimi mandati ita sunt concepta: Im Fall sich auch zutrüge, daß bey einem dergleichen Eingangs berührten gewaltsamen Einbruch und Ueberfall, einer oder mehrere von denen Räubern und Dieben beschädiget, oder gar getödtet würden, so soll wider denjenigen, der es gethan, wofern nicht sonderliche Umstände dabey concurriren, und sich hervor thun, deswegen keine special-Inquisition verführet noch angesetzt, oder auf einige Straffe erkannt werden. vid. SCHAYM-

BYRG

BVRG in der Einleitung zum Sächf. Rechte, P. 3. Sect. 3. exerc.
4. §. 4.

§. XXXV.

Postremo denique sententiæ meæ propugnandæ inter-
vit l. i. C. qu. lic. un. se sin. Jud. quippe qua comprobante lege
facultas propulatores agrorum occidere, tribuitur; quæ lex
iterum præbet exemplum cædis propter defensionem bono-
rum, scil. conservationem fructuum, in agris natorum li-
citæ.

§. XXXVI.

Thesin vero jamjam propugnatam, haud immerito suo
excidere robore, statuendum; si rerum jactura ex ablatione
illarum non immineat. Fac itaque, invasorem seu furem
invaso satis notum, eundemque talem esse, qui postmodum
ordinaria juris via conveniri poterit eo cum successu, ut res
ablata recuperetur, vel sponte rem ablatam reddidit, tunc a
cæde ejus utique est abstinendum, ac occisor pœnam homi-
cidii ordinariam, hisce positis circumstantiis nequaquam ef-
fugiet, prouti CARPZOV. in Pr. Crim. P. 1. qu. 32. n. 13. testatur,
Scabios Lips. pœnam gladii de eo sumendam esse, decre-
visse, qui absque internecione aggressoris bona ablata recu-
perare poterat.

§. XXXVII.

Equidem in præcedentibus commonstratum fuit, eum,
qui defendendorum bonorum suorum ergo, alterum necavit,
immunem esse stricto jure ab omni pœna; occisor vero, ut
effugiat pœnam, necesse habebit, defensionis gratiæ se aggressor
occidisse, probare. Sed undenam hæc probatio erit
petenda, mihi equidem sufficere videtur, si modo aliquis evi-
cerit, se fuisse vim passam. Quicquid enim suscepit is, cui
illata est vis, id omne præsumitur egisse, ut se ab omni vio-
lencia tutum præstaret. vid. DEC. in Conf. 459. in pr. & in
Conf. 676. & 678. imo sufficit testimonium de credulitate, velu-
ti si testes enuncient, se credere Titium aliquem occidisse vel
vulnerasse ad sui defensionem, vid. HIPPOL. MARS. in rubr.
Cod. de Probat. Nam utrum aliquis alterum occidat suæ de-
fensionis

ensionis gratia, an alio quodam consilio, sensibus externis non potest percipi; quare testis huius in casibus non, nisi secundum credulitatem suam deponere potest. Procedunt hæc omnia, si testes simpliciter deponant, homicidium defensionis gratia fuisse perpetratum, probant etiam tunc testes id, quod asseruerunt, etiamsi nullam effecti reddant rationem. Et qui alterum interficit insultantem adversus res & bona, probatur ex illo insultu id fecisse ad defensionem rerum suarum, licet non probetur, id fecisse statim, quia præsumitur, continuo defensionem esse factam. vid. BÖER. decis. 168.

§. XXXVIII.

Stabilita itaque mea sententia, ad rationes dissentientium confutandas, inoffenso pede patet progressus. Incedam vero in destruendis dissentientium rationibus eodem ordine, quo easdem §. XI. & subsequentibus in medium attuli. Hinc 1) l. g. ff. ad L. Corn. de Sicar. meæ sententiæ nequaquam contradicit; perhibetur enim in ista lege, furem nocturnum citra omnem metum pœnæ occidi posse, si occisor eidem absque periculo parcere non potuerit, periculum vero tum personæ, tum rerum est subintelligendum. Subest itaque jam periculum, si fur se vel defendit, vel cum rebus aufugere intendit. Nec commoveor l. 4. §. 1. ff. ad L. Aquil. licet enim in hac lege tradetur diurnum furem necari non posse, nisi se telo defendat, quod nonnulli ideo receptum esse, putant, quia facili negotio discerni possit, eum non ad occidendum sed furandum venisse, ut proinde eum ob solam rerum iacturam occidere non liceret, nisi telo se defendendo periculum vitæ simul intentaret. Secus esse in fure nocturno; quum enim in eo ratione nocturni temporis discerni non posset, an ad furandum an ad occidendum accederet, præsumi potius contra ipsum animum occidendi, ita ut interfici queat, sive telo se defendat sive non. sed nec hac diversitatis ratione contraria corroboratur sententia, quia licet in fure nocturno illa circumstantia nocturni temporis, ob quod alias delicta graviora reputari soleant, nec non conjunctum vitæ periculum efficiat, ut facilius istiusmodi fur necari

cari possit, quam alius interdum furtum perpetrans. Hæc tamen vera causa licitæ cædis furis non est, sed potius conservatio rerum furto subtractarum, quæ, cum non minus ac ipsa furis persecutio noctu difficilior evadit, eò, quod tali tempore, quo homines somno obruti, nec ita facile quis domesticos, vicinos, aliosque in auxilium vocare, nec copiam magistratus habere queat, haud injuria iste fur nocturnus circa circuitum, sive telo se defendat, sive non, modo ei dominus rerum surreptarum absque periculo vel earundem, vel sui corporis, parcere nequeat, interimi potest. Fur diurnus non ideo, quia fur est, privata autoritate necari poterit, sed pariter potissimum pro conservatione rerum, quando eis periculum imminet, veluti cum fur iste se telo adversus dominum defendit, ita ut hic aliter res suas ab isto recuperare nequeat, quam si vim vi, ferrum ferro opponendo eum trucidarit. Alias enim si nulla factura rerum vertitur, quia forte fur vel rem subtractam reliquit & aufugit, vel sponte restituit, vel nondum furatus est, tunc nec a privato necandus. Haud tamen abs re erit subungere, licitam cædem furis nocturni, quatuor hisce requisitis concurrentibus demum procedere. 1.) quod necesse ista perpetraretur non nisi defendendi sui ipsius, vel rerum suarum ergo, unde nefas est occidere eum, quando sine rebus surreptis recedit. 2.) quod priusquam occidatur fur nocturnus acclamatio fiat. 3.) quod vel ignotus fuerit hujusmodi fur, testesque defuerint, quibus forsitan id innotuit, ac contra eum de furto deponere potuerint, vel si vel maxime notus, ea tamen fuerit hujus furis conditio, ut ab eodem res ablatas recuperare omnis spes evanuerit. 4.) quod eundem capere vires defuerint. Horum requisitorum, uno vel altero neglecto, occisor quidem non pœnæ gladii ordinariæ, extraordinariæ tamen vel fustigationis vel relegationis vel carceris, vel pecuniariæ pro ratione admitti excessus fiet obnoxius, prouti testatur CARP. ZOVIVS in *Pr. crim. P. I. quest. 32.*

§. XXXIX.

Secundo utique licet ob simplicem rerum defensionem

si vel maxime periculum vitæ non concurrat, invasorem interficere. Comprobat id *l. i. C. unde vi*, ubi generalibus verbis defensio rerum indulgetur, ergo & interemptio aggressoris permessa censi debet, si ea defensio pro conservandis rebus aliter expediri nequeat. Permissio enim aliquo, & media eo ducentia permessa censetur. Nec poterit existimari, defensionem pro rebus quidem concessam esse, adhibito tamen moderamine tutelæ, nimirum quando periculum vitæ simul propelleretur. Sed moderamen inculpatæ tutelæ non est restringendum ad defensionem vitæ, sed accipiendum est pro indole subjectæ materiæ; ideoque, si in aliqua lege sermo sit, de corpore & vitæ defendenda istud moderamen ita est subintelligendum, si vitæ discrimen occurrat, nec vitæ aliter nisi perempto aggressore prospici queat; sin vero de rerum tutela agatur, moderamen istud ita interpretandum, si iactura rerum illarum metuenda, resque aliter incolumes servari nequeant, nisi perempto violento invasore. Cum itaque in *l. i. C. unde vi*, non de defensione sui & Corporis, sed de tutela reali verba fiant, utique nec moderamen inculpatæ tutelæ, quo periculum vitæ avertimus hic desiderare par erit, alias enim si hujus moderaminis ratio habenda esset, invasus fugere teneretur si citra discrimen vitæ fugere prostacket facultas. Fugæ tamen necessitas prorsus non est imposita invasori, expresse quippe pro conservandis rebus vim vi repellere leges concedunt, qui autem desertæ possessione fugam capit, bona non defendit, sed potius eadem derelinquit, alteriusque permittit arbitrio, cum tamen permissum sit in possessione & loco suo consistere & ibi vim a possessione propulsare *l. si. §. i. ad Leg. Aquil.* Nec ulla probabilis subest ratio imperatorem in *l. i. C. unde vi*, ad moderamen inculpatæ tutelæ in defensione corporis observandum respexisse. Si enim tantummodo, propter conjunctum vitæ periculum liceret invasorem rerum nostrarum occidere, utique raro aut nunquam fore suscipienda foret pro rebus defensio, aut certe sine armis. Posteriori ratione talis defendendi modus susciperetur, quo res nostræ potius amitterentur, quam conservarentur.

Ab

Ab armis abstinendum esset, cum per ea infligantur vulnera ex quibus mors consequitur, ac invasus semper teneretur res ablatas in medio relinquere & aufugere, si tunc demum concessa foret internecio adversarii, si periculum vitæ simul immineat defendenti. Nunquam fere immineret observato moderamine defensionis corporis proprio; Istud enim periculum de possessione dejectus semper effugere posset, res suas invadenti & raptori relinquendo. Si itaque moderamen inculpatae tutelæ respectu habito ad defensionem corporis observandum esset, id, quod una manu legis permissio tribuisset, altera iterum adimeretur. Accedit quod *l. 3. §. 9. ff. de vi & vi arm.* dissertis verbis inculcet, rerum possessionem amissam armis recuperare licere, at debito moderamine inculpatae tutelæ observato. Traduntur etiam hic requisita istius moderaminis, prorsus vero prætermittitur hoc requisitum, ut scilicet adversarius aliter impune necari non posset, nisi vitæ periculum concurreret, potius ex hac lege ita inferre fas est, si is, qui in vitæ periculo amplius non versatur, etiamnum licito modo possessionem cum armis defendit, consequitur quoque illud vitæ periculum concurrens in reali defensione non prærequiri; Atqui dejectus de possessione in nullo amplius versatur periculo vitæ, cum invasorem in possessionem relinquendo, tuto evadere possit; Ergo nec discrimen vitæ concurrens hic prærequiritur, sed sufficit jactura rerum invaso metuenda.

§. XL.

Tertio nec lex caritatis obstat meæ sententiæ. In dijudicanda enim veritate thesæos meæ, inprimis respiciendum est ad securitatem societati civili & gentium propositam, ut nimirum unicuique sit certa tutaque possessio rerum suarum & custodia, quam, cum naturæ pro fine & scopo habet, & sanctit, eadem etiam opera tutelæ & defensionis rerum favet, turbatoresque & violatores arcet summæ potestatis & iudiciorum autoritate, & ubi iudicis nulla copia, proprio cuiusque domini auspicio, & viribus. Societas itaque, ad quam colendam nati sunt homines, constare non potest, nisi posses-

siones cujusque tutæ sint. Unde, qui privato aliquid eripit, lædit simul rempublicam, ejus vinculum dissolvendo. Nec dubitandum, quin id sibi indulgens, si posset, omnia omnium esset invasurus, ipsamque rempublicam vi facturus suam. Injustitia enim vires nacta degenerat in tyrannidem *vid. diss. SCHVLZII. non occides §. 28.*

§. XLI.

Quarto, homo quidem in summo pretio est habendus, sed non nisi tunc, quando in statu suo permanet; quando vero societatem humanam lædit, injurius est in communem salutem, & publicam tranquillitatem, tunc jura non attendunt inter hunc & res transitorias, ac caducas proportionem *l. 1. C. qv. lic. un. fin. Jud.* nec etiam hominis & vitæ humanæ præstantia tunc spectanda; alioquin nullus fur, aliusque facinorosus, ob res caducas unquam e medio tolli posset, ne ex vindicta publica quidem, in cuius locum, ob evidentem necessitatem, privata substituitur, quorsum facit, quod si semper attentenda esset illa inter res & hominem proportio, nec fures nostra ætate suspendii pœna coercendi essent. Nulla enim & ibi videtur proportio, aliquem ob fortunæ caduca bona necari, & horrido patibuli supplicio affici. Nulla videtur proportio, cum, qui in rebus & pecunia deliquit, in corpore puniri & vita mulctari; At enim vero, quia fur statum hominis veluti derelinquit, humanam societatem turbat, non spectari debet vitæ ejus præstantia, & justa inter res & hominem proportio. Aequalitas etiam in contractibus & distributionibus bonorum communium, non autem in malis illatis desideratur. Exemplum præbent bella, quippe ejus mala, quæ hinc & inde inferuntur ad aequalitatem accurate non sunt reducenda. Pecunia insuper est medium conservandæ vitæ; quum ergo vita ad internecionem usque aggressoris defendi possit, sequitur utique media, ad vitam sustentandam necessaria eodem defensionis favore digna esse.

§. XLII.

Quinto, res amissæ legitimis aliquando remedijs recuperari

rari queunt, istis tamen casibus, quos mea thesis huc usque propugnata præstruit, non possunt recuperari.

§. XLIII.

Sexto falsum est, quod noxæ pro defensione bonorum suorum illatæ sint pœnæ. Nam pœna proficitur a superiore in subiectum ex vi imperii, ejusque magnitudinem respectus boni publici temperat, sed defensio antiquior est imperio civili, ac quam maxime locum habet inter eos, quorum neutri in alterum est imperium.

§. XLIV.

Septimo firmo utique coherent nexu hæc: Leges permittunt ob res defensionem armatam, ergo etiam permittunt, hominem occidere. Legislatores enim, dum largiuntur facultatem defensionis realis & quidem cum armis suscipiendæ ei, qui omne vitæ discrimen evasit, probe cognoverunt, quod per hujusmodi armatam tutelam, invasore violenter resistente, infligantur vulnera, ex vulneribus vero mors, & occisio hominis consequi possit. Unde vulgo dicitur, quod nemo stateram verberum in manu habere possit, ne plus lædat, quam velit; Sicuti nec vulnera ita temperari possunt, ne mortem inferant. Merito itaque sic argui potest: permissio antecedente, permittitur consequens. At Legislatores ob rerum defensionem adhibere permiserunt arma, per quæ tamen ob violentam invasoris resistantiam vulnera lethalia, & ex quibus mors consequitur, infliguntur, ergo etiam ipsam internecionem invasoris pro defensione rerum secutam, si ex ab invasione violenta conservari aliter nequeant, permiserunt.

§. XLV.

Octavo *lex 3. ff. de just. & jur.* equidem tantum de defensione corporis edisserit, sed non prohibet tutelam realem; & quod ibi de tutela reali non habetur, desumendum ex aliis locis, ubi de defensione reali agitur.

§. XLVI.

Nono concedo, id, quod publice per Magistratum fieri debet, singulis non esse concedendum; sed ea regula tantummodo

modo procedit, nisi periculum sit in mora, & nisi invasus interea, dum magistratum adire intendit, penitus rerum suarum, quas postea recuperare non posset, jacturam faceret; eo namque casu extrajudicialis defensio, quæ in locum ordinariæ & legitimæ vindicationis, ob evidentem necessitatem subintrat, nemini deneganda, quippe, quoties periculum ex mora extimescendum, a communibus juris regulis rite receditur.

§. XLVII.

Decimo l. 21. C. de SS. Eccles. commonstrat quidem, vitas hominum eorum, qui jura humanitatis non exuerunt, summo opere esse æstimandas, nequaquam vero, quod eodem jure censendi ii nefarii, qui societatis vincula turbarunt atque labefactarunt.

§. XLVIII.

Nec ultimo vindicta hic subest. Vindicta enim & defensio ita inter se differunt. Vindicta est, quæ tantummodo suscipitur injuriæ ulciscendæ causa, & ubi nihil aliud intenditur, quam ut ægre fiat ei, a quo vindictam sumimus, si vel maxime hac ipsa vindicta nihil obtineamus; Defensio e contrario suscipitur, ut damnum aliquod a nobis avertamus. Defensio suscipitur durante offensione, vindicta, hac jam cessante a. l. 45. §. 4. ff. ad L. Aquil.

§. XLIX.

Satisfactum itaque arbitror dubiis, ab adversariis motis, & sic tuto vela contrahere possum hujus exercitationis. Paucis tantummodo moneo, thesin a me jam assertam, secundum juris stricti regulas subintelligendam; in quantum verò conscientiæ regulis congrua sit, Theologorum relinquuo judicio.